

COMUNICATO n. 12 del 05/01/2024

Traduzione in cimbri

# M.E.T.A. européan mobilitét, praktikum un lirnén: machan pratika in auzlánt vor studjént un diplomate

[Cimbri] Machan destran innmachanse vodar schual afte arbat ánemmente mearare kompeténzan saiz úbar dar arbat saiz vor bazta ágeat di zungen dise soinz di ziln von prodjekt M.E.T.A., boda atz belesch bill soin gemuant: Mobilità Europea, Tirocini e Apprendimento. In sitz von vrait atz 15 von kristmánat da provintziál Djunta hatt ágenump di meldung von prodjekt zo zornira 90 láüt vor sovl praktikum zo macha in auzlánt, auz pan summar-herbest von djar 2024.

“Pezarn soine arbat un zung kompeténzan gianante zo macha pratika vor viar odor sèchtza bochan in firme odor in organizatziongen in auzlánt – asó hatta khótt dar asesór vor di ekonómí, di arbat, universitét un násüach, Achille Spinelli – gitt zuar zo sterchra soin sèlbart curriculum gebante no mearar vèrt in kompeténzan augenump pittar schual. Disa iz a groaza oportunitét boda khint gevoalt únsarn djungen”.

Di vorsch zo nemma toal mochan khemmen inngètt áhevente vo di nóüne mòrgas von 8 von hoachnach 2024 un dena barta soin zait sin di vünve in tages von menta atz 22 von hoachnach 2024, lai durch protzedùr online afte wwebsait

<https://www.vivoscuola.it/meta>. In gántzan soinda khent untargelekk 304.900,00 Euro gántz gedekht pitt européan gèlt drinn in prográmm Eurasmus+ 2021-2027.

## Ber ’z makta nemmen toal

Di meldung lekk vür zo darkhenna un zo zornira 90 djunge zo giana zo macha pratika in auzlánt auz pan summar-herbest 2024. ’z manga inngem in vorsch:

**Tipolodji A)** – 70 plètz vor studjént boda in schualdjar 2023/2024 machan da viarte klasse, teglich, vodar trentinar obarschual, saiz öffentlesch saiz privàtt, un daz draite djar von trentinar viardjarege licei (asó, dar viardjarege Liceo von Sacro Cuore Institut vo Tria, dar viardjarege Liceo Steam C.F.P. G. Veronesi vo Rovrait un dar viardjarege bizzschaftege Liceo M. Martini vo Mezzolombardo);

**Tipolodji B)** – 20 plètz vor djunge diplomart in schauldjar 2023/2024 von trentinar obarschual sistèm un profesionèll formatzion, saiz öffentlesche saiz privàtt.

## Zaitn boda khint gemacht dar prodjekt

Disa pratika zo macha in firme odor organizatziongen in auzlánt (lai européan lentar) bart innhaltn viar bochan vor di sèlln vodar tipolodji A) studjént, boden mage khemmen darkhennt azpe auzbèksl zbisnen schaul un arbat, un, anvétze, vo sèchtza bochan vor da tipolodji B) diplomarate.

’Z bartnda soin o momént bomase boroatet vor ditza, disa zait bart o khemmen gehaltet kunt azpe formatzion.

## **Bo**

Di plètz boma bart machan disa esperiènz bartn khemmen gevuntet in disa lentar:

IRLAND / MALTA – arbat zung inglés

TAÜTSCHLÄNT – arbat zung taütsch un/odar inglés

SPÄNJA- arbat zung spanjöll un/odaringlés

BELGIO – arbat zung frantzés un/odar inglés

## **Khostn**

Da provintziäl Vüarom zalt allz vor disa sachandarn:

- da earst formatziong zo borotase zo giana;
- in viazo saiz zo giana, saiz zo kheara bidrüm vor bo ma hatt zo giana (pinn zug, koriàra odar aroplå);
- sicharom (azmen hettat zo tüana bea un vor zivìl responsabilitét) vor da gantz zait boma vortsteat in auzlânt;
- organizatziong von programm von praktikum in Lânt boma geat;
- èzzan un herbege (in famildje boda ânemmen di studjént)
- di lokâl trasportte in auzlânt;
- in atestâtt vodar esperiènz gemacht.

## **Informatziongen**

Dar prodjèkt M.E.T.A. Mobilità Europea, Tirocini e Apprendimento iz vürgevüart von Universitét Âmt un européan font – Dianst vor da profesionèll formatziong, tertziär formatziong un sistèm funktziongen von Dipartimént Istruziong un Kultùr vodar autonome Provìntz vo Tria, någeholft vodar Teritoriâl Multifunkzionâl struktùr Ad-Personam

Mail: [ka1smart@provincia.tn.it](mailto:ka1smart@provincia.tn.it)

Telefón: 800-163870 (Teritoriâl Multifunkzionâl struktùr Ad-Personam)

websait: <https://www.vivoscuola.it/meta>

**Übarsetzt von Schaltarle vor di zung von Toalkamou vodar Zimbar Hoachebene**

(cdt)